

ռայն մեր գթաշն Վարդան եւ զընկերակիցս Նորա՝ խաբեցեր Նամականիւ առ կայսր եւ առ Նորին սպարապետն. երդմնեցուցեալ Նենգով զայնպիսի քաջ եւ պիտանի զվաստակաւորն մեր զՎարդան եւ զայլ ընկերս. եւ դարձեալ գումարեալ զնա զաւրու յԱղուանս՝ ի վերայ Պարսկաց գումարտակին համարձակեցուցեր երթալ. Նենգութեամբ մատնեալ զաշխարհն Արեաց կորուսեր եւ կոտորածի այնչափ իմոց ծառայից Արեաց եւ անարեաց եղեր պատճառ: 2 Զի զայնպիսի ծառայ մի զմեր, որպէս զՎարդան, եւ կայսր եւ կամ Հոնաց արքայ բռնութեամբ յինէն հանել կամէին՝ ամենայն Արեաց ուժովս կռուէի, եւ չտայի հանգչել՝ մինչեւ այսրէն յիս հանէի. եւ արդ՝ դու ընդ քո ձեռն զայնպիսի աւգտակար¹ ծառայն սպաներ, եւ զմեծ եւ զպիտանի աշխարհի մի կորուսեր, եւ դու իշխեցեր լրբաբար առ մեզ, իբրեւ անգետս քո Նենգաւոր գործոյդ², գալ եւ զմեզ տեսանել: 3 Բայց զայս գիտեա՛, զի յայսմ հետե Սիւնեաց տէր չես. եւ զչարիսն ամենայն³, զոր խորհեցար եւ կատարեցեր՝ կուտեսցի ամենայն ի վերայ չար գլխոյ քո: 4 Եւ զհարկեր զիմոյ աշխարհին Հայոց եւ կամ զՊարսկացն զոր սպաներն, եւ զկարասին այնչափ զոր հաներ՝ հրամայեցաք խնդրել ի տանէ քումմէ եւ յորդուց քոց՝ մինչեւ վճարեսցի ամենայն»:

5 Իսկ ողորմելի ուխտադրուծն Վասակ թեպետ եւ կամեր խաւսել ինչ եւ տալ պատասխանի՝ չդներ ոք բնաւ⁴ ունկն բանից եւ կամ ախորժեր. վասն զի ուխտանենգութիւնն սրբոյ Աւետարանին եւ բանն անիծից երանելոյն առն Աստուծոյ Ղեւոնդի եկեալ հասեալ ի վերայ Նորա՝ պատեալ փակեալ պաշարեցին զնա: 6 Որ թեպետ եւ կայր ինչ վաստակս առնն առ Պարսիկս, եւ ջանայր ցուցանել ի ժամուսն՝ եւ այն ոչ ինչ էր աւգուտ, այլ առաւել եւս ի դատախազութիւն եղեալ վնասէին նմա: 7 Եւ կատարեր առ Նա բան սաղմոսերգին, թէ *Ի դատաստանէ իւրմէ ելցէ դատապարտեալ, եւ աղաւթք Նորա ի մեղս դարձցին*^ա: 8 Հրաման տայր թագաւորն Յազկերտ անդէն զառաջեալ կողոպտել ի նմանէ թշնամանաւք զամենայն պատիւն զոր ուներ. եւ ձաղկեալ զնա պայկացն մերկացուցին զնա. մերկացուցեալ ի նմանէ զգարդարանս⁵ պատուոյ տերութեանն՝ հանէին⁶ խայտառականաւք արտաքս բան զհրապարակն արքունի: 9 Եւ ի նմին աւուր զթշնամին Նորա, զսեպուհն սիւնի, զուրացողն զՎարազվադան՝ տեր ի վերայ աշխարհին Սիւնեաց կացու-

1 ՏՏ. չիք օգտակար

2 Զ. գործոյտ

3 Ատ. զչարիսն զամենայն

4 ՏՏ. չիք բնաւ

ա Սաղմ. ԾԸ 7

5 Զ. գարդարանս

6 ՏՏ. հանին